



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

VII. Colliguntur vaticinationes Christi praenuntiae, è Genesi,

urn:nbn:de:hbz:466:1-16260

non fecisset in eis, que nemo alius fecit, peccatum non haberent. Eadem est sententia istorum Johannis Evangelista: Multa quidem & alia signa fecit Jesus in conspectu discipulorum suorum, que non sunt scripta in libro hoc. Hec autem scripta sunt, ut credatis, quia Jesus est Christus Filius Dei, & ut credentes vitam habeatis in nomine ejus. Non ergo argumentorum, quae ad fidem Religioni Christianae faciendam, vel ex miraculis Christi & Apostolorum, vel aliunde utiliter petuntur, robur infringit: (absit à me hoc nefas:) siuum duntaxat Propheti servari volo. Utraque complexus est Apostolus hoc committit: Et sermo meus, & predicatione mea, non in persuasibilibus humanae sapientiae verbis, sed in ostensione spiritus & virtutis: ex ἐπιστολῃ πρὸς Θεοφίλῳ & συνάρχοντι Demonstrationem spiritus appellat, quae fit per prophetias, cuiusmodi haec nostra est: demonstrationem virtutis, quae fit per miracula. Ita quidem interpretatur Origenes.

VII. Contra vero vel proxime & directe, vel remote & oblique Christum Jesum esse prædictum præfracte negarunt alii: quorum tamen opinio non simplex est & uniuersi, sed in geminis videtur sectas fuisse divisa. Quidam enim Messiam à Prophetis prædictum esse non negant, at Jesum eum esse Christum qui prædictus est, ejusque vitam, mortem, aliasve gestas res in Veteri Testamento fuisse prænuntiatas, id vero negant. Quam opinionem defendunt Judæi, & olim defendebat Marcion. Alii vero, qui Christum alium non expectant, quod faciunt Judæi, sed Jesum fatentur esse Christum, prædictum tamen à Prophetis esse iniunguntur. Quia in hæresi fuerunt Manichæi, magna adversus Faustum doctrinæ hujus patronum Augustino concertatio est. Eam deinde Theodorus Mopsuestenus, nefarius Hæreticus, sibi defendendam proposuit, in suis Libri Duodecim Prophetarum explanationibus, ut discimus ex Collatione quarta Concilii Quinti. Itaque consentientes habemus & faventes Judæos in septimæ hujus Propositionis defensione, qua multas haberi statuimus in Veteri Testamento Prophetias de Messia: adversarios vero Manichæos, & Theodorum, quos hic nobis oppugnando proponimus: neque solum ad id colligemus verba Veteris Testamenti quibus venturus prænuntiatur Messias, sed res etiam ac signa quibus adumbratur & præsignificatur; non omnia quidem anxie corradentes, quæ in hanc sententiam congeri poterant, sed illustria tantum, & Ethnicorum, aut Hæreticorum cavillationibus majora: cærebimusque interim ne quod in aliquibus Christianis carpebat olim Maimonides, id admittamus, ne videlicet nimio partium studio proœcti longius, signi ac typi, aut vaticinii vim vel ingratissimam iis antiqui Fœderis testimonis, quæ utroque vacua sunt. Deinde vero Messiam illum, fuisse Jesum Nazarenum ex eorumdem Prophetarum prædictionibus alia Propositione ostendemus. Impium porro Apellem, de Marcionistarum grege Hæreticum, qui Prophetias ut falsas fibique contrarias ac dissonas penitus apernabatur, haudquam hic adoriemur. Quod opportunius fieri ab iis, qui interpretandas illas suscepimus. Quanquam vel ex sequentibus, iisque præfertum quæ Propositione nona colligimus, fibimet consentire ipsas, & in prænuntiando Christo Iesu præclare convenire probabimus.

VIII. Prima occurrit capite tertio Genesios, ubi serpentem insidiatorem his verbis affatitur Deus: *Inimicitas ponam inter te & mulierem, & semen tuum & semen illius: vaticinatio-nes Christi prænuntiata: è Genes.* *Ipsa; at Ebraicum exemplar, & Septuaginta Senum Interpretatio, & Samaritana editio habent Ipse. Ita & Onkelos, & Jacobus Tawofus Judæus, Persicus interpres, & Syrus. Ita Irenæus, Cyprianus, & Hieronymus. Nempe significatur Christus. Quod quavis Judæi recentiores alio flectere sunt conati, contraria tamen vetustiorum fides, qui majori candore Christum hic agnoscent. Ait quippe Jonathan ben Uziel futurum ut filii mulieris, homines videlicet, præceptis divinis obtemperando caput serpentis conterant, rufum calcem eorum dente invadat serpens, cum prolabantur in via; at serpenti remedium fore nullum, piorum vero hominum vulneri Christum, cum venerit, medicinam facturum. Quod perinde est ac si diceret Christum per sanctos homines auxilio ejus fretos, infidiantem iis Dæmonem devicturum. Quam interpretationem amplexus est Hierosolymitanus Paraphrastes.*

Altera venturi Christi prædictio iis continetur pollicitationibus, quibus Abrahami, Isaaci, & Jacobi fidem ac virtutem Deus est profecitus, cum futurum ipsis spopondit, ut Benedicantur in iis, & in semine eorum, cuncte tribus terre. Quæ sic intellexit Petrus, cum ad Judæos verba faceret: *Vos etsi filii Prophetarum, & Testamenti quod disposuit Deus ad Patres nostros, dicens ad Abraham: Et in nomine tuo benedicantur omnes familie terra. Vobis primum Deus suscitans Filium suum, misit eum benedicentem vobis, ut convertat se unusquisque à nequitia sua. Nec aliter Paulus cum scriberet ad Galatas: Abraham dictæ sunt promissiones, & semini ejus. Non dicit; Et seminibus, quasi in multis, Gal. 3, 16.* *M m iij*

Origen, lib. 1.
cont. Cels.
*Duplex erū
ficta, qui pre-
dictum fuisse
Christum ne-
garunt.*

August. adv.
Fault. Manich.
libr. 12. cap. 1.
& libr. 16. c. 4.

Iren. l. 4. c. 78.
Cyprian. Tert.
libr. 2. cap. 9.
Hier. Tradit.
Ebr. in Gen.

sed quasi in uno: Et semini tuo, qui est Christus. Sic intellexerunt & Iudei, ut appareat ex libro Chasidim R. Samuelis, ubi promissio haec Dei tunc ad effectum dicitur esse per ventura, cum Christi temporibus boni erunt Abrahami posteri. Reperitur & eadem pollicitatio in Psalmo sepruagesimo primo, quem ex magna parte ad Christam referri iuo loco ostendam, licet isœvœ in gratiam Salomonis scriptus sit. Nunc si rem non ex auctoritate, sed ex ratione spectemus, certum est non aliter quam per merita Christi comparatam esse hominibus eam gratiam, qua justi sunt, quæque his locis benedictio appellatur, unde apposite iis usus est Paulus, cum probare vellet gratiam illam qua justi & sancti efficiuntur, non ex Mosaicæ Legis operibus, sed ex tide pendere. Nec id facturum fuisse Paulum credibile est, nisi inter Judæos confitetur, his promissis Deum Abraham, Isaaco, & Jacobo futurum sponpondisse, ut ex eorum pro sapientia Messias olim esset oriturus. Hæc enim certissima erat Israëlitarum spes, fore ut sui generis ac sanguinis esset Christus, non alius sane quam his quæ attrulimus submixta testimonii. Sciebant præterea ex vaticinio Jacobi Christum esse expectationem gentium, & ex Aggæo venturum esse Desideratum cunctis gentibus, proindeque non in alio benedictum iri omnes gentes terra.

Gen. 49. 10.

Agg. 2. 8.

Exodo,

*1. Cor. 10. 1, &
seq.*

*Phil. liber, Pejo-
rem inf. iacti
mehori, & libr.
Quis sic retra-
divinarum ha-
ces.*

Numeris,

*Nom. 24. 17,
18.*

*Euseb. Dem.
libr. 9.*

Mal. 4. 1.

Zach. 5. 8. &

6. 11.

Is. 9. 2.

II. 4. 1. & II.

1. & II. 2.

Jer. 31. 5.

Apoc. 5. 5.

2. Reg. 8. 2.

Psalms. 59. 8. &

107. 9.

Sequatur insigne illud Jacobi prædictum, quo Messiae adventus, genus, tribus, tempus, & munus prædicuntur: *Non auferetur sceptrum de Iuda, & dux de femore ejus; donec veniat qui mittendus est, & ipse erit expectatio gentium. Quibus affsonans ista Aggei de Christo: Et movebo omnes gentes, & veniet Desideratus cunctis gentibus, & implebo domum islam gloria, dicit Dominus exercituum. Hæc recentiorum Judæorum plerique pro more suo commentitiis interpretationibus incrassare satagunt. At verutiosi res ad Messiam sine hesitatione referunt; Chaldei præcipue Paraphraste, Thalmudistæ etiam, R. Selomoh, & R. David Kimchi. Quidam autem non Christi generatim prænuntium est istud testimonium, sed eum quoque Jesum fore indicat, aliud erit infra de eo disperandi locus.*

VIII. Christi venturi symbola quædam profert Paulus priore ad Corinthios: *Nolo enim vos ignorare, fratres, quoniam Patres nostri omnes sub nube fuerunt, & omnes mare transierunt, & omnes in Moysi baptizati sunt, in nube, & in mari: & omnes eamdem escam spiritalem manducaverunt, & omnes eundem potum spiritalem biberunt. Bibebant autem de spiritali consequente eos petra: petra autem erat Christus. Tum subiicit: Hæc autem omnia in figura contingebant illis. Duos hic Christi typos observat Paulus, manna & rupem aquas profundentem: quorum illud Verbum Dei, hoc Sapientiam Dei, plane ad mentem Pauli Philo interpretatur. Nempe quibus olim esca & potus symbolis dissimilabatur Christus, sub iisdem nunc quoque populo suo in Eucharistia sacramento se impertit. Manna itaque in vastam solitudinem alendis Israëlitis fame jam prope deficientibus cœlo depluens, Christum præclare exprimebat, cœlo olim demittendum in terras bona virtutum frugis steriles, ad hanc sublevandam inopiam, & hominum animos pietatis ac sapientiae nutrimenti pacendos. Petra quoque aquis salutaribus Israëlitarum in deserti scalloræ languentium sitim sedans, egregium Christi simulacrum erat, gratae suæ salubres undas mortali generi propinantis.*

IX. Praeclarum de Christo Balaami arioli prædictum liber Numerorum supponit: *Videbo eum, sed non modo; intuebor illum, sed non prope. Orietur stella ex Jacob, & consurgat virga de Israël, & percutiet duces Moab; vassabique omnes filios Seih; & erit Idumæa peffatio ejus: hereditas Seih cedet inimicis suis. Quibus Messiam prænuntiari olim fuisse Jadais persuasum ostendit impii illius Ben Cuzibæ vñanua, qui Messiam se ferens hanc sibi prædictionem accommodabat: unde & Bar-Cocheba, sive Filius stelle appellatus est. Idem ostendunt Onkelos, & Jonathan, & Interpres Hierosolymitanus. Idem docet & Maimonides, atque hæc in mysticum sensum flebit: quod & faciunt Christiani interpretes, imprimitus Eusebius. Is duces Moab, Deos interpretatur Moabitidis regionis præsides, puta Beelphegor; eosque à Christo subactos, & domitos esse ait, tum cum is idolorum vanitatem adventu suo disculpsit. Filios quoque Seth & Edom, gentes exponit Dæmonum tyrannide oppreflas, & à Christo in libertatem vindicatas. Stellam ait appellari Christum, quemadmodum Sol justitie à Malachia, oriens à Zacharia, lux ab Isaia appellatus est. Radicem eum nuncupat Balaamus; quemadmodum & germen, & virga, & surculus ab Isaia, & Jeremia, & Johanne quoque in Apocalypsi nuncupatur. Quanto hæc similia veris, quam quæ differit R. Lipman in Nitzachon, hæc ἡλίον sumenda censens, atque ita Christianis extorquere contendens? Alii historicum quidem sensum Davidi tribuunt, à quo devicti sunt Moabitæ, ut capite octavo libri secundi Regum, & Psalmi quinquegeschimo nono, & centesimo septimo traditur; mysticum vero Messiam. Ego vero Maimonidæ Rabbinorum doctissimi auctoritatem fecutus, id Balaami oraculum bifarium di-*